

Leec Yal Geec

雅各书

Haemk Lail

1 Yal Geec mungx weex lagx eit dos Wangc Menl daengh weex lagx eit dos Xus Yeeh Suh Jih Duc jah, nyimp xebc nyih beev nyenc sank nyaoh jah hamk lail.

Senk Sais Daengh Longc Diux

²Jaix nongx yaoc, xaop douh oIL hangc oIL yangh liinh, ledp yuv deic weex benh maengx laox; ³yenv yuih wox senk sais xaop douh liinh dah, laengx beev lis yaens. ⁴Sais yaens buh yuv weex wenp, aol xaop wenp lail xonc xuh, MEEC LIS duc mangc xap xiut. ⁵Aox xaop nuv baov LIS menv xiut longc diux jah, yuv douh qouc mungx Wangc Menl saip nal dos wagx jenl, buh MEEC guaiv nyenc jah, Xus laengx jingh saip dos maoh. ⁶Laot yuv baengh senk sais qouc, il jeengx bix gungc sais; yenv yuih menv nyenc gungc sais jah, laengx xongs langh heit, douh lemc xuiw wadp. ⁷Menv nyenc il naih bix yuv xangk dah aox Xus lis duc mangc. ⁸Menv nyenc yac sais jah, nyaoh daengc menv kuenp maoh qamt jah ledp deic sais MEEC jingh.

问候

1 作神和主耶稣基督仆人的雅各，请散住十二个支派之人的安。

信心和智慧

²我的弟兄们，你们落在百般试炼中，都要以为大喜乐；³因为知道你们的信心经过试验，就生忍耐。⁴但忍耐也当成功，使你们成全完备，毫无缺欠。⁵你们中间若有缺少智慧的，应当求那厚赐与众人、也不斥责人的神，主就必赐给他。⁶只要凭着信心求，一点不疑惑；因为那疑惑的人，就像海中的波浪，被风吹动翻腾。⁷这样的人不要想从主那里得什么。⁸心怀二意的人，在他一切所行的路上都没有定见。

Hut Daengh Guah

⁹Menv jaix nongx buih taemk jah, nuv baov qak pangp, laengx yuv up naengl; ¹⁰menv lis nal jah dogl taemk, buh yuv il naih, yenv yuih maoh jingh yuv dah bail, xongs nugs wul nyangt laot yangh; ¹¹dav menl ugs map, lemc saos guedx map, nyangt laengx jius sot, nugs buh dah wap, yangh lail buh miodx dah yangx; menv nyenc guah jah, nyaoh wul siih maoh weex jah buh yuv il naih.

Xik Sais

¹²Menv nyenc douh xik yaens lis jah JANGS menv deml lail jah, yenv yuih maoh douh xik dah, jingh lis jenx mingh, menv naih JANGS Xus liingx saip dos menv nyenc liangp maoh jah. ¹³Nyenc douh XIK, bix wah: “Yaoc JANGS douh Wangc Menl xik”; yenv yuih Wangc Menl MEEC douh soix xik, maoh buh MEEC xik nyenc. ¹⁴Ags mungx ags douh xik, bens JANGS douh sais xangk XENP BENS gaic yidx、loux dingv. ¹⁵Sais xangk XUIP jagl qak xenp, laengx sangx ugs soix map; soix XUIP mags map, laengx sangx ugs deil map. ¹⁶Jaix nongx yaoc eiv jah, bix yuv nuv longp yangx. ¹⁷OIL yangh singc lail daengh OIL yangh benh saip pieek xonc xuh jah ledp JANGS menv dah wul menl map jah, dah aox Bux weenh guangl jah dogl luih map; nyaoh maoh bens MEEC lis biinv, buh MEEC LIS yings xonh neip. ¹⁸Maoh XAOL meix xangk XENP BENS, baengh banc lix XINGV sangx lis daol, aol daol nyaoh aox weenh xonh maoh daengv jah xongs menv duil demh jagc jih edl gobs xocg jah.

贫穷和富有

⁹卑微的弟兄升高，就该喜乐；¹⁰富足的降卑，也该如此，因为他必要过去，如同草上的花一样。¹¹太阳出来，热风刮起，草就枯干，花也凋谢，美容就消灭了；那富足的人，在他所行的事上也要这样衰残。

考验和试探

¹²忍受试探的人是有福的，因为他经过试验以后，必得生命的冠冕，这是主应许给那些爱他之人的。¹³人被试探，不可说：“我是被神试探”；因为神不能被恶试探，他也不试探人。¹⁴但各人被试探，乃是被自己的私欲牵引、诱惑的。¹⁵私欲既怀了胎，就生出罪来，罪既长成，就生出死来。¹⁶我亲爱的弟兄们，不要看错了。¹⁷各样美善的恩赐和各样全备的赏赐都是从上头来的，从众光之父那里降下来的；在他并没有改变，也没有转动的影儿。¹⁸他按自己的旨意，用真道生了我们，叫我们在他所造的万物中好像初熟的果子。

Qingk Banc Lix Daengh Weex Banc Lix

¹⁹Jaix nongx yaov eiv jah, menv naih JANGS menv xaop wox jah. Xaop ags nyenc ags yuv hoik hoik qingk, seik seik wah, bix jens ouv qik; ²⁰yenv yuih ouv qik nyenc bens MEEC weex wenp douh liix Wangc Menl. ²¹Il naih xaop yuv todt bail daengc menv wav nyav daengh menv saengl yax GAL jah, lis sais mas liingx sibs menv banc lix miac jah, laengx JANGS menv banc lix juv lis guaenl xaop jah.

²²Xah laot xaop yuv deic banc lix, bix guangh laot qingk banc lix, ags DINGV XENP BENS.

²³Yenv yuih menv qingk banc lix siip MEEC weex banc lix jah, laengx xongs nyenc doiv xiuv miinh nuv mieenh mogc XENP BENS, ²⁴lis nuv, bail yangx, laengx lamc mieenh mogc maoh JANGS weex nup. ²⁵Xah laot LIS nyenc seik xac nuv menv banc konx xonc xuh、aol nyenc lis kop kongp jah, eengv bens il naih deic jaens, nyenc naih MEEC JANGS qingk banc konx dah laengx lamc, JANGS nyaengc weex banc konx ugs map. Maoh laengx nyaoh wul siih maoh weex jah jingh deml lail.

²⁶Nuv baov LIS nyenc ags baov juiv yuih Wangc Menl, siip MEEC yadc mac maoh, daov DINGV sais longc XENP BENS, juiv yuih menv nyenc naih JANGS menv ongk. ²⁷Nyaoh dav nas Bux Wangc Menl daol, menv sais longc bings singh、MEEC LIS eeul wav、juiv yuih Wangc Menl jah, laengx JANGS bonc buih menv lagx MEEC LIS bux neix daengh neix liingh nyaoh aox egs nanh jah, eengv baos xut XENP BENS MEEC eeul wav nyav

听道和行道

¹⁹我亲爱的弟兄们，这是你们所知道的。但你们各人要快快地听，慢慢地说，慢慢地动怒；²⁰因为人的怒气并不成就神的义。²¹所以你们要脱去一切的污秽和盈余的邪恶，存温柔的心领受那所栽种的道，就是能救你们灵魂的道。

²²只是你们要行道，不要单单听道，自己欺哄自己。²³因为听道而不行道的，就像人对着镜子看自己本来的面目，²⁴看见，走后，随即忘了他的相貌如何。²⁵惟有详细察看那全备、使人自由之律法的，并且时常如此，这人既不是听了就忘，乃是实在行出来，就在他所行的事上必然得福。

²⁶若有人自以为虔诚，却不勒住他的舌头，反欺哄自己的心，这人的虔诚是虚的。²⁷在神我们的父面前，那清洁没有玷污的虔诚，就是看顾在患难中的孤儿寡妇，并且保守自己不沾染世俗。

dees dih.

Baov Bix Piinp Daiv Nyenc

2 Jaix nongx yaoc, xaop senk Xus daol Yeeh Suh Jih Duc mungl guanl jah, laengx bix yuv dah nugs nuv nas naengl daiv nyenc. ²Nuv baov LIS il mungx nyenc daens konp miac jeml, daens xuc daens donh, laos aox dangc wagx xaop bail; eengv LIS il mungx nyenc hut daens ugs duv wav buh laos bail; ³xaop laengx naengc lis qit mungx nyenc daens xuc daens donh jah, wah: “Hoik suiv nyaoh doiv lail naih”; yuh nyimp mungx nyenc hut wah: “Nyac SENH nyaoh geel jav.” MEEC XIH “Suiv nyaoh mangv dees daengv sinh dinl yaoc.” ⁴Menv naih weex nup MEEC JANGS xaop sais piinp daiv nyenc, yongh sais yax donv dadl nyenc il?

⁵Jaix nongx yaoc eiv jah, xaop qingk, Wangc Menl weex nup MEEC JANGS LAIH nyenc hut dees mas menl, aol JAH MAOH nyaoh wul senk sais lis nal, eengv sibs xup guagl maoh liingx saip dos menv nyenc liangp maoh jah? ⁶Xaop daov aol nyenc hut douv nas. Menv nyenc lis nal jah weex nup MEEC JANGS gux xaop, gaic xaop touk dangc dadl siih jah bail il? ⁷JAH MAOH MEEC JANGS menv xagx guanl juiv xaop liingx sibs map jah il?

⁸Leec Menl xap wah: “Yuv eiv nyenc xongs eiv XENP BENS.” Nuv baov xaop ledp deic banc konx zeil pangp naih, jav xih JANGS lail; ⁹nuv baov xaop dah nugs nuv nas naengl daiv nyenc, laengx JANGS WEENP soix, douh banc konx jingh wenp menv WEENP soix jah. ¹⁰Yenv yuih menv deic daengc banc konx jah, xah laot nyaoh wul

禁戒偏待人

2 我的弟兄们，你们信奉我们荣耀的主耶稣基督，便不可按着外貌待人。²若有一人带着金戒指，穿着华美衣服，进你们的会堂去；又有一个穷人穿着肮脏衣服也进去；³你们就重看那穿华美衣服的人，说：“请坐在这好位上”；又对那穷人说：“你站在那里。”或“坐在我脚凳下边。”⁴这岂不是你们偏心待人，用恶意断定人吗？

⁵我亲爱的弟兄们，请听，神岂不是拣选了世上的贫穷人，叫他们在信上富足，并承受他所应许给那些爱他之人的国吗？⁶你们反倒羞辱贫穷人。那富足人岂不是欺压你们，拉你们到公堂去吗？⁷他们不是亵渎你们所敬奉的尊名吗（“所敬奉”或作“被称”）？

⁸经上记着说：“要爱人如己。”你们若全守这至尊的律法，才是好的；⁹但你们若按外貌待人，便是犯罪，被律法定为犯法的。¹⁰因为凡遵守全律法的，只在一条上跌倒，他就是犯

il jiuc douh lenx, maoh laengx JANGS WEENP OIL jiuc yangx. ¹¹Dens qit mungx wah bix yuv nyimp banl miegs eep lonh weex jah, buh wah bix yuv sat nyenc; nyac laengx JANGS MEEC lonh weex, siip sat nyenc, meenh JANGS wenp menv WEENP banc konx jah.

¹²Xaop XUIP yuv baengh banc konx aol nyenc kop kongp jah map douh dadl siih, laengx yuv XAOL banc konx naih wah sungp beenh siih.

¹³Yenv yuih mungx MEEC yagc sac nyenc jah, nyaoh xic douh dadl siih jah, buh MEEC lis Wangc Menl yagc sac; yagc sac bens JANGS ags dah dadl siih.

Senk Sais Daengh Yangh Neip

¹⁴Douc jaix nongx yaoc, nuv baov LIS nyenc ags wah LIS senk sais, siip MEEC LIS yangh neip, LIS behn mangc lail leel? Senk sais naih juv lis maoh il? ¹⁵Nuv baov JANGS jaix nongx banl, MEEC XIH JANGS jaix nongx miegs, dus xenp, eengv xiut dah nyanl maenl menv EBLJIL jah, ¹⁶aox xaop LIS nyenc doiv JAH MAOH wah: "Anl anl wanp wanp bail bax! Dogc liangp xaop daens lis saos, jil lis jaengv"; siip MEEC saip menv xenp xangh JAH MAOH xiut yongh jah, weex naih LIS behn mangc lail leel? ¹⁷Il naih, LIS nyenc gobs LIS senk sais, MEEC bail weex laengx JANGS menv deil.

¹⁸Jingh LIS nyenc wah: "Nyac LIS senk sais, yaoc LIS yangh neip"; nyac deic senk sais nyac MEEC LIS yangh neip jah XIV dos yaoc nuv, yaoc laengx yaml yangh neip yaoc jah, deic senk sais yaoc XIV dos nyac nuv. ¹⁹Nyac senk Wangc Menl gobs LIS il mungx, menv nyac senk jah MEEC longp; juis top buh senk, siip JANGS danc xut

了众条。¹¹原来那说不可奸淫的,也说不可以杀人;你就是不奸淫,却杀人,仍是成了犯律法的。

¹²你们既然要按使人自由的律法受审判,就该照这律法说话行事。¹³因为那不怜悯人的,也要受无怜悯的审判;怜悯原是向审判夸胜。

信心与行为

¹⁴我的弟兄们,若有人说自己有信心,却没有行为,有什么益处呢?这信心能救他吗?¹⁵若是弟兄或是姐妹,赤身露体,又缺了日用的饮食,¹⁶你们中间有人对他们说:"平平安安地去吧!愿你们穿得暖,吃得饱";却不给他们身体所需用的,这有什么益处呢?¹⁷这样,信心若没有行为就是死的。

¹⁸必有人说:"你有信心,我有行为";你将你没有行为的信心指给我看,我便借着我的行为,将我的信心指给你看。¹⁹你信神只有一位,你信的不错;鬼魔也信,却是战惊。²⁰虚浮

nyaenh nyaenh. ²⁰Menv nyenc qat liabx jah ax! Nyac xangk wox senk sais MEEC lis yangh neip jah JANGS deil xih MEEC? ²¹Ongs bux daol Yal Beec Lah Hanp deic lagx maoh Yix Sah saip qak wul daengc douv sac, weex nup MEEC JANGS yenv yuih menv yangh neip sint weex douh liix jah il? ²²Il naih nuv map senk sais nyimp yangh neip JANGS pieek MEEC lis, senk sais eengv yenv yuih yangh neip jav xih weex wenp. ²³Menv naih laengx douh sungp Leec Menl wah: "Yal Beec Lah Hanp senk Wangc Menl, menv naih laengx sonk JANGS maoh douh liix." Maoh eengv lis sint weex biingc banx Wangc Menl. ²⁴Il naih nuv map, nyenc lis sint weex douh liix JANGS yenv yuih yangh neip, MEEC JANGS guangh laot yenv yuih senk sais. ²⁵Nyenc miegs beel xenp Lah Hoc sibs daiv mungx paik, eengv songk JAH MAOH dah ags jiuc kuenp ugs bail, MEEC jungh JANGS yenv yuih yangh neip lis sint weex douh liix il? ²⁶Xenp xangh MEEC LIS guaenl JANGS menv deil, senk sais MEEC lis yangh neip buh JANGS menv deil.

Guans Mac Bix Lonh Wah

3 Douc jaix nongx yaoc, bix yuv gungc mungx nyenc weex xeenp saenp eeus nyenc, yenv yuih wox daol yuv douh dadl siih eengv qaenp. ²Dens qit daol nyaoh wul OIL siih lis longp; nuv baov LIS nyenc nyaoh wul sungp dungl MEEC LIS longp, maoh laengx JANGS mungx nyenc xonc xuh, buh yadc lis daengc xenp xangh. ³Nuv baov daol deic konp kuedp songk laos aox ebl max, aol maoh qingc sungp, laengx guans lis daengc xenp maoh. ⁴Nuv ax, lol mags il jav, yuh douh lemc laox biigs toip, aol laot jagc

的人哪！你愿意知道没有行为的信心是死的吗？²¹我们的祖宗亚伯拉罕把他儿子以撒献在坛上，岂不是因行为称义吗？²²可见信心是与他的行为并行，而且信心因着行为才得成全。²³这就应验经上所说：“亚伯拉罕信神，这就算为他的义。”他又得称为神的朋友。²⁴这样看来，人称义是因着行为，不是单因着信。²⁵妓女喇合接待使者，又放他们从别的路上出去，不也是一样因行为称义吗？²⁶身体没有灵魂是死的，信心没有行为也是死的。

制伏舌头

3 我的弟兄们，不要多人作师傅，因为晓得我们要受更重的判断。²原来我们在许多事上都有过失；若有人在话语上没有过失，他就是完全人，也能勒住自己的全身。³我们若把嚼环放在马嘴里，叫它顺服，就能调动它的全身。⁴看哪，船只虽然甚大，又被大风催逼，只用小小的

liih niv niv, laengx suic longc nyenc deic liih xonh neip. ⁵Il naih, mac nyaoh aox begs beev xenp xangh buh JANGS niv, yah wah lis sungp laox.

Nuv ax, buil zeil niv jangs lis udt das longl laox. ⁶Mac laengx JANGS buil, nyaoh aox begs beev xenp xangh daol, mac JANGS jagc qinp hak soix, weex lis daengc xenp wav nyav, buh deic kuenp mingh daol jangs udt map, eengv jangs dah aox dih nguih qit udt map. ⁷OIL hangc yangh xeengp jenc jih、mogc bens、nuic emh、yangh xeengp aox naemx, bens ledp weex lis mas, buh douh nyenc weex mas yangx; ⁸xah laot mac MEEC LIS NYENC weex lis mas, JANGS menv yax guans MEEC lis, xengc digc menv soh duc haik deil nyenc jah. ⁹Daol aol mac bus mungx weex Xus、weex Bux jah, yuh aol mac qoip guav menv nyenc XAOL yangh Wangc Menl saoh ugs map jah. ¹⁰Bus daengh guav dah il jagc ebl ugs map, douc jaix nongx yaoc, menv naih JANGS menv MEEC douh jah. ¹¹Dens naemx dah il jagc jenc beev ugs kuanp aemc yac yangh naemx map il? ¹²Douc jaix nongx yaoc, meix ongp wap wenp naenl jids lis ganx lanx xih MEEC? Ongl ids jids lis demh ongp wap wenp naenl xih MEEC? Naemx hadp buh beev MEEC ugs naemx kuanp map.

Menv Longc Diux Dah Wul Map Jah

¹³Aox xaop nouc JANGS LIS longc diux、LIS longc leec leel? Maoh laengx yuv nyaoh wul sais mas jah sangx lis longc diux, il naih xeenk ugs yangh neip lail maoh map. ¹⁴Aox longc xaop nuv baov xengc lis DAENGL maens saengl yax daengh DAENGL pieek, laengx bix ags bus, buh bix wah sungp DINGV map jis banc lix XINGV.

舵，就随着掌舵的意思转动。⁵这样，舌头在百体里也是最小的，却能说大话。

看哪，最小的火能点着最大的树林。⁶舌头就是火，在我们百体中，舌头是个罪恶的世界，能污秽全身，也能把生命的轮子点起来，并且是从地狱里点着的。⁷各类的走兽、飞禽、昆虫、水族，本来都可以制伏，也已经被人制伏了；⁸惟独舌头没有人能制伏，是不止息的恶物，满了害死人的毒气。⁹我们用舌头颂赞那为主、为父的，又用舌头咒诅那照着神形象被造的人。¹⁰颂赞和咒诅从一个口里出来，我的弟兄们，这是不应当的。¹¹泉源从一个眼里能发出甜苦两样的水吗？¹²我的弟兄们，无花果树能生橄榄吗？葡萄树能结无花果吗？咸水里也不能发出甜水来。

从上头来的智慧

¹³你们中间谁是有智慧、有见识的呢？他就当在智慧的温柔上显出他的善行来。¹⁴你们心里若怀着苦毒的嫉妒和纷争，就不可自夸，也不可说谎话抵挡真道。¹⁵这样的智慧不是

¹⁵Longc diux naih MEEC JANGS menv dah wul menl map jah, xah JANGS menv dees dih, menv sais xeengp, menv juis top jah. ¹⁶Nyaoh doiv nup LIS yak dal, DAENGL pieek, laengx nyaoh doiv jav lis WEENP lonh daengh siih pak OIL hangc OIL yangh. ¹⁷Xah laot menv longc diux dah wul menl map jah, dah unv JANGS wop yebt, dah lenc JANGS taik biingc, sais mas nyangh nyenc, nyaengc yagc sac, gungc jids demh lail, MEEC lis piinp nuv, MEEC LIS sais uv weex lail. ¹⁸Eengv menv aol nyenc taik biingc jah, JANGS yongh taik biingc miac menv duil demh douh liix jah.

Nyimp Qinp Hap Weex Biingc Banx

4 AOX xaop DAENGL ngeeux, DAENGL dos JANGS dah aox nup map leel? MEEC JANGS dah aox begs beev xenp xangh xaop menv sais xangk DAENGL dos jah map il? ²Xaop yuv aol duc mangc, naengl JANGS aol MEEC lis, laengx sat nyenc; xaop sais taemp buh aol MEEC lis, laengx DAENGL ngeeux DAENGL dos; xaop aol MEEC lis, JANGS yenv yuih xaop MEEC qouc. ³Xaop qouc buh aol MEEC lis, JANGS yenv yuih xaop qouc ongk, ledp yuv langc sat nyaoh menv xaop jil wumx weex bians jah. ⁴Xaop menv nyenc weex lanh jah ax, weex nup MEEC wox nyimp menv dees dih weex banx laengx JANGS nyimp Wangc Menl DAENGL dos il? Il naih menv xangk yuv nyimp menv dees dih weex banx jah, laengx JANGS nyimp Wangc Menl DAENGL dos. ⁵Xaop xangk menv Leec Menl wah jah JANGS menv ongk il? Wangc Menl saip Guaenl Wangc Menl nyaoh aox longc daol nyaoh, aox longc buh haenh liangp maoh ags xongs. ⁶Maoh saip singc

从上头来的，乃是属地的、属情欲的、属魔鬼的。¹⁶在何处有嫉妒、纷争，就在何处有扰乱和各样的坏事。¹⁷惟独从上头来的智慧，先是清洁，后是和平，温良柔顺，满有怜悯，多结善果，没有偏见，没有假冒。¹⁸并且使人和平的，是用和平所栽种的义果。

与世界为友

4 你们中间的争战、斗殴是从哪里来的呢？不是从你们百体中战斗之私欲来的吗？²你们要抓取，得不到就杀人；你们要贪婪，得不到就争斗。³你们求也得不到，是因为你们妄求，要浪费在你们的宴乐中。⁴你们这些淫乱的人哪（“淫乱的人”原文作“淫妇”），岂不知与世俗为友就是与神为敌吗？所以凡想要与世俗为友的，就是与神为敌了。⁵经上说：“神强烈地恋慕他安放在我们里面的灵。”你们以为这话是徒然的吗？⁶但他赐更多的恩典，所以经上说：

qaenp naengl gungc, il naih Leec Menl wah:

“Wangc Menl sagp daengs menv weex mags jah,
saip singc qaenp dos menv nyenc buih taemk jah.”

“神阻挡骄傲的人，
赐恩给谦卑的人。”

⁷Il naih, xaop yuv senk Wangc Menl, bens yuv sagp daengs juis top, juis top laengx lic xaop laengh bail yangx. ⁸Xaop nyimp Wangc Menl DAENGL jaenx, Wangc Menl buh laengx nyimp xaop DAENGL jaenx. Menv nyenc LIS soix jah ax, yuv xugs wop miac xaop! Menv nyenc aox longc LIS yac sais jah ax, yuv weex wop sais longc xaop! ⁹Xaop yuv souc lonh, banh sais, nees; deic nas gol biinv wenp banh sais, sais maengx biinv wenp sais souc. ¹⁰Bens yuv nyaoh dav nas Xus buih taemk, Xus laengx jingh aol xaop qak pangp.

⁷故此，你们要顺服神。务要抵挡魔鬼，魔鬼就必离开你们逃跑了。⁸你们亲近神，神就必亲近你们。有罪的人哪，要洁净你们的手！心怀二意的人哪，要清洁你们的心！⁹你们要愁苦、悲哀、哭泣；将喜笑变作悲哀，欢乐变作愁闷。¹⁰务要在主面前自卑，主就必叫你们升高。

Denv Jaix Nongx

¹¹Douc jaix nongx, xaop bix yuv DAENGL daenl DAENGL xagx. Nyenc nuv baov guaiv jaix nongx, denv jaix nongx, laengx JANGS guaiv banc konx, denv banc konx; nuv baov nyac denv banc konx, laengx MEEC JANGS deic banc konx, bens JANGS dadl donv nyenc. ¹²Menv jiml banc konx daengh dadl donv nyenc jah, gobs LIS il mungx, laengx JANGS mungx juv lis nyenc buh weex lis GAEMV nyenc jah. Nyac JANGS nouc, naengl ams denv jenl?

论断弟兄

¹¹弟兄们，你们不可彼此批评。人若批评弟兄，论断弟兄，就是批评律法，论断律法；你若论断律法，就不是遵行律法，乃是判断人的。¹²设立律法和判断人的，只有一位，就是那能救人也能灭人的。你是谁，竟敢论断别人呢？

Baov Bix Wah Sungp Mags

¹³Heix, xaop LIS sungp wah: “Maenl naih, maenl mus jiul yuv laos il jagc xingc bail, nyaoh

警戒夸口

¹³噫，你们有话说道：“今天、明天我们要往某城里

aox jav nyaoh il nyinc, weex weenk wedt seic.”
¹⁴Wah map, maenl mus JANGS weex nup, xaop
 naengl mix wox. Mingh xaop JANGS duc mangc
 leel? Xaop bens JANGS il donc munc mas, xeenk
 ugs daemh xic laengx MEEC lis nuv yangx. ¹⁵Xaop
 laot douh wah: “Nuv baov Xus haengt, jiul
 laengx LIS mingh soh, buh weex lis siih naih,
 MEEC XIH weex siih jav.” ¹⁶Xic naih xaop unl gaos
 unl kap wah sungp mags, menv wah sungp
 mags il naih jah ledp JANGS menv yax. ¹⁷Nuv
 baov nyenc wox weex sais lail, siip MEEC bail
 weex, menv naih laengx JANGS soix maoh yangx.

Baov Nyenc MeeC

5 Heix, xaop menv nyenc meec naih ax, yuv
 douh nees、songk soh banl, yenv yuih yuv
 LIS egs nanh dogl touk wul xenp xaop. ²Menv
 nyaenc maenv xaop pak yangx, ugs xenp buh
 douh nuic idx yangx. ³Menv jempl nyaenc xaop
 ledp qak yagx yangx; yagx jah yuv weex bagl
 biingv dos menv xaop weex MEEC douh jah,
 eengv yuv jil nanx xaop, xah xongs buil daos.
 Xaop nyaoh saemh lenx peep naih bens wox
 juml digs nyaenc sinc yangx. ⁴Nyenc ongl nyimp
 xaop xup wap, xaop xiut ongl sinc JAH MAOH;
 ongl sinc naih LIS soh banl sint. Soh MEEC digs
 menv nyenc xup wap jah laos aox kap Xus
 weenh jenl yangx. ⁵Xaop nyaoh dees mas menl
 lis anl wanp, bens jil lail nyaoh lail, deic xaop
 sangx buic gas touk maenl douh sat. ⁶Xaop jingh
 soix nyenc douh liix yangx, deic maoh sat haik,
 maoh buh MEEC sagp daengs xaop.

去，在那里住一年，做买卖
 得利。”¹⁴其实明天如何，
 你们还不知道。你们的生
 命是什么呢？你们原来是一
 片云雾，出现少时就不
 见了。¹⁵你们只当说：“主
 若愿意，我们就可以活着，
 也可以做这事，或做那
 事。”¹⁶现今你们竟以张狂
 夸口，凡这样夸口都是恶
 的。¹⁷人若知道行善，却不去
 行，这就是他的罪了。

警戒富足

5 嗜，你们这些富足人
 哪，应当哭泣、号啕，
 因为将有苦难临到你们身
 上。²你们的财物坏了，衣
 服也被虫子咬了。³你们的
 金银都长了锈；那锈要证
 明你们的不是，又要吃你
 们的肉，如同火烧。你们在
 这末世只知积攒钱财。⁴工
 人给你们收割庄稼，你们
 亏欠他们的工钱；这工钱
 有声音呼叫。并且那收割
 之人的冤声已经入了万军
 之主的耳了。⁵你们在世上
 享美福，好宴乐，当宰杀的
 日子竟娇养你们的心。⁶你
 们定了义人的罪，把他杀
 害，他也不抵挡你们。

Yaens Sais Daengh Yogc Yuih

⁷Douc jaix nongx ax, xaop yuv yaens, aol weex touk Xus map. Nuv ax, nyenc weex ongl yaens sais nup yangh gas menv yangh xonh qaenp juiv aox dih jah ugs map, aol weex touk lis bienl sup bienl xenp. ⁸Xaop buh yuv yaens, yadc jaens sais longc xaop, yenv yuih maenl Xus map jaenx yangx. ⁹Douc jaix nongx, xaop bix yuv DAENGL ngeeux MEEC digs sais, yaot douh dadl siih. Nuv ax! Xus dadl siih jah SENH nyaoh dav dol yangx. ¹⁰Douc jaix nongx, xaop yuv deic OIL nyenc wox unv lenc dens qit baengh guanl Xus wah sungp jah nyaoh menv siih jil kuip daengh sais yaens jah deic map weex yangh lail. ¹¹Menv nyenc yaens dah unv jah, daol sint JAH MAOH JANGS LIS benh lail. Xaop lis qingk dah meix yaens Yoc Beec, buh wox lenx peep Xus saip maoh jah, xeenk ugs Xus JANGS daengc longc yagc sac, gungc LIS sais lail.

¹²Douc jaix nongx yaoc, menv zeil yuv jens jah JANGS bix liih; bix XIV menl liih, buh bix yuv XIV dih liih, MEEC heenk liih mangc ledp bix weex. Xaop wah sungp, JANGS laengx wah JANGS, MEEC JANGS laengx wah MEEC JANGS, yaot xaop dogl laos dees dadl siih.

¹³Aox xaop LIS menv douh egs nanh jah, maoh laengx yuv douh yogc yuih; menv up naengl jah, maoh laengx yuv douh dos al bus. ¹⁴Aox xaop menv lis ids jah, maoh laengx yuv douh dul yangp laox wagx juml map, JAH MAOH laengx baengh guanl Xus aol yuc kuadt maoh, nyimp maoh yogc yuih. ¹⁵Baengh senk sais yogc

忍耐和祷告

⁷弟兄们哪，你们要忍耐，直到主来。看哪，农夫忍耐等候地里宝贵的出产，直到得了秋雨春雨。⁸你们也当忍耐，坚固你们的心，因为主来的日子近了。⁹弟兄们，你们不要彼此埋怨，免得受审判。看哪！审判的主站在门前了。¹⁰弟兄们，你们要把那先前奉主名说话的众先知当作能受苦、能忍耐的榜样。¹¹那先前忍耐的人，我们称他们是有福的。你们听见过约伯的忍耐，也知道主给他的结局，明显主是满心怜悯，大有慈悲。

¹²我的弟兄们，最要紧的是不可起誓；不可指着天起誓，也不可指着地起誓，无论何誓都不可起。你们说话，是就说是，不是就说不是，免得你们落在审判之下。

¹³你们中间有受苦的呢，他就该祷告；有喜乐的呢，他就该歌颂。¹⁴你们中间有病的了呢，他就该请教会的长老来，他们可以奉主的名用油抹他，为他祷告。¹⁵出于信心的祈祷要

yuih Wangc Menl, il naih yuv juv mungx nyenc ids jah, Xus jingh aol maoh jenc map; nuv baov maoh weenp soix, buh jingh lis todt douv. ¹⁶Il naih xaop yuv DAENGL liingx soix, DAENGL bangl qouc Xus, aol ids xaop lis juv. Nyenc douh liix yogc yuih wedt menv soh legc jah JANGS lis yongh mags. ¹⁷Yih Liil Yal nyimp daol LIS bens xenp laot yangh, maoh dens sais yogc yuih qouc bix yuv dogl bienl, bienl laengx samp nyinc dah liogc nyanl MEEC dogl laos dees dih. ¹⁸Maoh yuh yogc yuih, menl laengx dogl bienl luih map, dih buh beeuv sinp baenl yangh xonh.

¹⁹Douc jaix nongx yaoc ax, aox xaop nuv baov LIS menv nyenc lamc banc lix XINGV jah, LIS nyenc MIH aol maoh xonv map; ²⁰mungx nyenc naih yuv wox aol il mungx nyenc LIS soix dah kuenp lamc xonv map, laengx JANGS juv il duc guaenl MEEC deil, eengv xal OIL soix.

救那病人，主必叫他起来；他若犯了罪，也必蒙赦免。¹⁶所以你们要彼此认罪，互相代求，使你们可以得医治。义人祈祷所发的力量是大有功效的。¹⁷以利亚与我们是一样性情的人，他恳切祷告，求不要下雨，雨就三年零六个月不下在地上。¹⁸他又祷告，天就降下雨来，地也生出土产。

¹⁹我的弟兄们，你们中间若有失迷真道的，有人使他回转，²⁰这人该知道叫一个罪人从迷路上转回，便是救一个灵魂不死，并且遮盖许多的罪。